



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-477-4/22**
Datum: **28.12.2022. godine**

«Agencija za vodno područje rijeke Save» rješavajući po zahtjevu pravnog lica, «SIROVINA-EKO» d.o.o. Maglaj za donošenje rješenja o vodnoj dozvoli za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta kompleksa objekata za prikupljanje, skladištenje i preradu sekundarnih sirovina u ul. Kulina bana bb, općina Maglaj, na osnovu člana 109. stav (1) tačka 2. i stav (2) tačka 1. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola pravnom licu, «SIROVINA-EKO» d.o.o. Maglaj za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta kompleksa objekata za prikupljanje, skladištenje i preradu sekundarnih sirovina izgrađenog u ul. Kulina bana bb na zemljištu označenom kao k.č. broj: 2446 K.O. Maglaj, općina Maglaj.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog kompleksa objekata vrši u skladu sa njihovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se za vrijeme trajanja ove dozvole obezbijedi da se tehnološke otpadne vode nastale pranjem radnih platoa (ulaz sirovina, skladišni prostor proizvodne hale) zajedno sa oborinskim onečišćenim vodama sa otvorenih radnih i manipulativnih površina prikupljenim sistemom linijskih kanala i slivničkih rešetki odvođe kanalizacionom mrežom na tretman u taložnik a potom u separator ulja i masti. Krajnji ispušt prečišćenih voda je preko okna za monitoring i kanalizacionog kolektora u rijeku Bosnu.
 - 2.3. Da se poduzmu sve potrebne mjere kojima bi se obezbijedilo da otpadne vode, prije ispuštanja u krajnji recipijent – rijeka Bosna, ostanu u maksimalno dopuštenim granicama definisanim članom 14. i 15. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.4. Objekte čija je svrha odvođenje i prečišćavanje otpadnih voda (taložnik, separator ulja i masti, slivnici, slivne rešetke, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje taložnika i separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja i masti te izdvojenom talogu iz istog.
 - 2.5. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring nakon separatora ulja i masti a prije ispusta u kanalizaciju i na mjestu ispusta vode iz sistema hlađenja pogona stare livnice u kanalizaciju u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
 - 2.6. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati

- referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.7. Talog/mulj iz taložnika i separatora kao i ostali opasni i neopasni otpad, ne smiju se ni privremeno odlagati na česticu «vodno dobro» odnosno u vodotoke i na njegove obale.
 - 2.8. Investitor je obavezan, u skladu sa propisima iz oblasti zaštite okoliša, vršiti bezbjedno skladištenje i postupanje sa opasnim materijama i otpadom nastalim na predmetnom lokalitetu do konačnog zbrinjavanja od strane ovlaštene organizacije (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode). Skladištenje rabljenog hidrauličnog ulja i emulzija, zauljenih krpa i dr vršiti u namjenski izgrađenom natkrivenom prostoru sa vodonepropusnom podlogom. Redovno voditi evidenciju o uskladištenom otpadu.
 - 2.9. Opasne materije kao ni čvrsti opasni i neopasni otpad se ne smije ni privremeno odlagati na česticu «vodno dobro», odnosno u vodotoke ili na njegove obale.
 - 2.10. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), Prilog 1. Poglavlje V – Određivanje koeficijenata zagađenja za zagađivače voda kod kojih se ne vrše direktna mjerenja voda, te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
 4. U periodu važenja ove dozvole, Korisnik je dužan provoditi sve mjere i aktivnosti propisane istom.
 5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvijestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
 6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnim objektima obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 7. Ukoliko radom predmetnih pogona dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. U ovoj upravnoj stvari plaćene su sve upravne pristojbe.
 10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
 11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
 12. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Pravno lice, «SIROVINA-EKO» d.o.o. Maglaj obratilo se ovoj Agenciji dana 14.09.2022. godine sa zahtjevom za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje tehnoloških i oborinskih onečišćenih otpadnih voda u prirodni recipijent sa lokaliteta kompleksa objekata za prikupljanje, skladištenje i preradu sekundarnih sirovina izgrađenog u ul. Kulina bana bb na zemljištu označenom kao k.č. broj: 2446 K.O. Maglaj, općina Maglaj.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra broj: 043-0-RegZ-22-001135 izdatog dana 19.04.2022. godine od strane Općinskog suda u Zenici,

- Kopija Uvjerjenja o registraciji/upisu u Jedinствeni registar obveznika indirektnih poreza broj: 04/1-17-1-35-805-3/11 izdatog dana 29.11.2011. godine od strane Uprave za indirektno oporezivanje Banja Luka,
- Kopija Rješenja o saglasnosti za obavljanje djelatnosti prikupljanja, prerade i proizvodnje otpadnih materijala i sekundarnih sirovina odobrenju za građenje broj: 04-18-3480-2-ES/06 izdatog dana 20.10.2006. godine od strane Ministarstva za privredu Zeničko dobojskog kantona,
- Kopija Rješenja o odobrenju za građenje broj: 12-23-08707/12 izdatog dana 23.01.2013. godine od strane Ministarstva za prostorno uređenje, promet i komunikacije i zaštitu okoline Zeničko dobojskog kantona,
- Kopija Rješenja o upotrebi građevine broj: 12-23-01337/13 izdatog dana 05.07.2013. godine od strane Ministarstva za prostorno uređenje, promet i komunikacije i zaštitu okoline Zeničko dobojskog kantona,
- Kopija Rješenja o okolinskoj dozvoli broj: 12-23-08176/17 izdatog dana 09.10.2017. godine od strane Ministarstva za prostorno uređenje, promet i komunikacije i zaštitu okoline Zeničko dobojskog kantona,
- Kopija Rješenja o vodnoj dozvoli broj: UP-I/25-2-40-684-4/17 izdatog dana 28.12.2017. godine od strane «Agencije za vodno područje rijeke Save» Sarajevo,
- Glavni projekat – vanjske hidroinstalacije za Proizvodni objekat sa pratećom sadržajima za reciklažu sekundarnih sirovina urađen od strane «IBIS» d.o.o. Zavidovići broj: 20-IB-G/12, maj 2012. godine - na uvid,
- Opći akt o održavanju, korištenju i osmatranju vodnog objekta i postupanje u slučaju kvara za «SIROVINA-EKO» d.o.o. Maglaj, septembar 2012. godine,
- Kopije izvještaja o monitoringu kvaliteta i kvantiteta otpadnih voda objekta «SIROVINA-EKO» Maglaj broj: 479/22, urađen u mart 2022. godine od strane «Inspekt - RGH» d.o.o. Sarajevo,
- Kopija Ugovora o zbrinjavanju, skladištenju i zbrinjavanju opasnog otpada zaključen dana 01.01.2021. godine sa «EKO-SERVIS» d.o.o. Tešanj,
- Kopija Ugovora o čišćenju separatora ulja i masti zaključen dana 01.01.2022. godine sa «EKO-SERVIS» d.o.o. Tešanj (priložen račun broj: 1566-U-22 od 22.09.2022. godine),
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U cilju utvrđivanja činjenica vezanih za ispunjenje uslova u smislu izvršavanja obaveza propisanih tačkom 4. iz starog Rješenja o vodnoj dozvoli (broj: UP-I/25-3-40-684-4/17 od 28.12.2017. godine) zatraženo je očitovanje Službe za prikupljanje prihoda od vodnih naknada ove Agencije po pitanju izmirivanja obaveza uplate posebnih vodnih naknada, tj. eventualnom dugu i visini duga podnosioca zahtjeva.

Na osnovu očitovanja Službe za prikupljanje prihoda od vodnih naknada od 20.09.2022. godine konstatovano je da podnosilac zahtjeva «SIROVINA-EKO» d.o.o. Maglaj redovno izmiruje svoje obaveze uplate posebnih vodnih naknada.

U skladu sa članom 12. stav (5) i (6) Pravilnika o sadržaju, obliku i uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19, 41/20 i 63/22), izvršen je obilazak predmetnog kompleksa objekata u Maglaju te je sačinjen zapisnik o izvršenom uviđaju broj: UP-1/21-3-40-477-3/22 od 17.11.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

- Predmetni kompleks objekata za prikupljanje, skladištenje i preradu sekundarnih sirovina izgrađen je u ul. Kulina bana bb u Maglaju i čine ga: proizvodni objekat-hala za sortirnicom, nadstrešnica za prijem i skladištenje sekundarnih sirovina, otvoreni prostor sa boksovima i kontejnerima, prostor za deponovanje usitnjenog željeza, kolska vaga te poslovni objekat za administrativne potrebe. Sve radne, saobraćajne i manipulativne površine su završno obrađene asfaltom odnosno betonom.
- Za predmetni kompleks je od strane Agencije ranije izdato Rješenje o VD broj: UP-I/25-3-40-684-4/17 od 28.12.2017. godine. Uslovi definisani ovim Rješenjem su u potpunosti ispoštovani.
- Tehnološke otpadne vode koje nastaju pranjem radnih platoa (ulaz sirovina, skladišni i radni prostor proizvodne hale) zajedno sa oborinskim onečišćenim vodama sa otvorenih radnih, skladišnih i manipulativnih površina predmetnog poslovnog objekta se prikupljaju sistemom linijskih kanala i slivničkih rešetki te se kanalizacionim cijevima odvođe na tretman u taložnik a potom u separator ulja i masti sa koalescentnim filterom koji su izvedeni unutar proizvodne hale.

Dio oborinskih voda sa krovnih površina se ispuštaju u sabirni kanal i idu na uređaj za prečišćavanje. U sklopu instaliranog separatora izvedeno je okno za uzimanje uzoraka vode za monitoring. Ispust prečišćenih otpadnih voda je postojeći kanalizacioni sistem Ø1000mm sa krajnjim ispuštom u rijeku Bosnu.

- Snabdijevanje predmetnog poslovnog objekta vodom za sanitarne potrebe i hidrantsku mrežu obezbijeđeno je priključkom na vodovodni sistem grada Maglaja kojim upravlja «Komunalno javno društvo» d.o.o. Maglaj.
- Sanitarno-fekalne otpadne vode se prikupljaju zasebnim kanalizacionim sistemom te odvođe na tretman u biološki uređaj za prečišćavanje.
- Monitoring otpadnih voda se vrši redovno. Na uvid predložen Izvještaj o monitoringu kvaliteta i kvantiteta otpadnih voda broj: 479/22, mart 2022. godine urađen od strane «Inspekt-RGH» d.o.o. Sarajevo. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.
- Čišćenje taložnika i separatora kao i zbrinjavanje opasnog otpada se vrši od strane «EKO-SERVIS» d.o.o. Tešanj u skladu sa Ugovorom (priložen račun broj: 1358-U-22 od 19.08.2022. godine).

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog kompleksa objekata i aktivnosti na stanje voda i vodni režim, podnosiocu zahtjeva su ovom vodom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva Rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontroli izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-477-2/22 od 08.11.2022. godine.

Konstatuje se da je podnosilac zahtjeva, «SIROVINA-EKO» d.o.o. Maglaj, ispunio minimum uslova za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta u postupku rada i za ispuštanje otpadnih voda u prirodni recipijent sa lokaliteta kompleksa objekata za prikupljanje, skladištenje i preradu sekundarnih sirovina izgrađenog u ul. Kulina bana bb, općina Maglaj, te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u iznosu od 70KM U skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih akata


Haris Ališehović, dipl.ing.građ.

Dostaviti:

- «SIROVINA-EKO» d.o.o. Maglaj
ul Kulina bana bb, 74250 Maglaj
- AVP, ISV – Vodna knjiga
- Sektor 50,
- Sektor 40, arhiva
- oglasna ploča – AVP Sava